


Edukasyong Pantahanan at Pangkabuhayan

Agrikultura – Modyul 2: “Tanim Mo, Alagaan Mo!”



Edukasyong Pantahanan at Pangkabuhayan – Ikalimang Baitang
Alternative Delivery Mode
Agrikultura – Modyul 2: Tanim Mo, Alagaan Mo!
Unang Edisyon, 2020

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa Kagawaran.

Inilathala ng Kagawaran ng Edukasyon

Kalihim: Leonor Magtolis Briones

Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat: Roselyn O. Corpin

Editor: Wilma S. Carreon, Gary B. Mosquito, Christian Vincent M. Sala

Tagasuri: Medarlou A. Genoguin, Darnelene O. Solon

Tagalapat: Eugene S. Ignacio

Tagapamahala:

Ramir B. Uytico
Arnulfo M. Balane
Rosemarie M. Guino
Joy B. Bihag
Ryan R. Tiu
Judella R. Lumpas
Margarito A. Cadayona, Jr.
Jose B. Mondido
Francisco L. Bayon-on, Jr.
Amer L. Santolorin
Medarlou A. Genoguin
Darnelene O. Solon

Inilimbag sa Pilipinas ng _____

Department of Education – Regional No. VIII

Office Address: Government Center, Cadahug, Palo, Leyte

Telefax: (053) – 832 – 2997

E-mail Address: region8@deped.gov.ph

Edukasyong Pantahanan at Pangkabuhayan Agrikultura – Modyul 4: “Tanim Mo, Alagaan Mo!”

Paunang Salita

Ang *Self-Learning Module* o SLM na ito ay maingat na inihanda para sa ating mag-aaral sa kanilang pag-aaral sa tahanan. Binubuo ito ng iba't ibang bahagi na gagabay sa kanila upang maunawaan ang bawat aralin at malinang ang mga kasanayang itinakda ng kurikulum.

Ang modyul na ito ay may inilaang Gabay sa Guro/Tagapagdaloy na naglalaman ng mga paalala, pantulong o estratehiyang magagamit ng mga magulang o kung sinumang gagabay at tutulong sa pag-aaral ng mga mag-aaral sa kanilang tahanan.

Ito ay may kalakip na paunang pagsusulit upang masukat ang nalalaman ng mag-aaral na may kinalaman sa inihandang aralin. Ito ang magsasabi kung kailangan niya ng ibayong tulong mula sa tagapagdaloy o sa guro. Mayroon ding pagsusulit sa bawat pagtatapos ng aralin upang masukat naman ang natutuhan. May susi ng pagwawasto upang makita kung tama o mali ang mga sagot sa bawat gawain at pagsusulit. Inaasahan namin na magiging matapat ang bawat isa sa paggamit nito.

Pinapaalalahanan din ang mga mag-aaral na ingatan ang SLM na ito upang magamit pa ng ibang mangangailangan. Huwag susulatan o mamarkahan ang anumang bahagi ng modyul. Gumamit lamang ng hiwalay na papel sa pagsagot sa mga pagsasanay.

Hinihikayat ang mga mag-aaral na makipag-ugnayan agad sa kanilang guro kung sila ay makararanas ng suliranin sa pag-unawa sa mga aralin at paggamit ng SLM na ito.

Sa pamamagitan ng modyul na ito at sa tulong ng ating mga tagapagdaloy, umaasa kami na matututo ang ating mag-aaral kahit wala sila sa paaralan.



Alamin

Tungkol saan ang modyul na ito?

Ang modyul na ito ay tungkol sa paggawa ng masistemang pangangalaga ng tamin na mga gulay. Nahahati ang modyul na ito sa tatlong bahagi: **(EPP5AG-Oc-5)**. Layunin sa modyul na ito na turuan kang malaman kung papaano magdilig, magbungkal ng lupa at maglagay ng abonong organiko.

Mayroong mga masistemang pangangalaga ng tanim na mga gulay na dapat mong maunawaan. Ito'y magsisilbing gabay sa iyong pag-aaral. Basahing mabuti at unawain ang bawat itinakda.



Subukin

Bago magsimulang talakayin ang aralin, sagutin muna ang mga sumusunod na katanungan.

Panuto: Isulat ang **TAMA** kung ang pangungusap ay nagsasaad ng wastong pamamaraan sa paghahalaman at **MALI** naman kung hindi. Gawin ito sa iyong kuwaderno.

- _____ 1. Ugaliing kausapin ang mga halaman.
- _____ 2. Ang pagdidilig sa mga pananim ay ginagawa anumang oras.
- _____ 3. Palambutin ang lupang nakapaligid sa halaman upang tagos ang hangin hanggang sa mga ugat nito.
- _____ 4. Nagbibigay ng magandang ani ang halaman kahit hindi inaalagaan.
- _____ 5. Matapos bungkalin ang lupa, ini-sterilize ito upang ligtas sa anumang insekto o mikrobyo na naninirahan dito.
- _____ 6. Ang paglalagay ng abonong organiko ay inihahalo lamang sa tubig at ginagamit bilang pandilig.
- _____ 7. Ang pagbubungkal ng lupa ay ginagawa lamang bago magtanim.
- _____ 8. Laging bisitahin ang mga taniman upang tingnan ang kalagayan ng mga pananim na gulay.
- _____ 9. Ang luwad na lupa lamang ang pinakamainam para sa mga pananim.
- _____ 10. Isa sa mga estratehiya sa pangangalaga ng tanim ay ang paglalagay ng gripo malapit sa taniman.

Aralin

1

Tanim Mo, Alagaan Mo!

Ang wastong pag-aalaga ng mga halaman ay malaking tulong upang lumago at magkaroon ng maraming ani ang isang magsasaka dahil sa maraming paraan ang maaaring isaalang-alang sa pagpapataba ng mga pananim kagaya nang regular na pagdidilig, pagbubungkal ng lupa at tamang paglalagay ng abono. Sa pamamagitan nito, ang mga pananim ay mananatiling malusog at ang lupang pinagtataniman ay hindi mawawalan ng sustansiyang kailangan ng mga halaman upang ito ay mabuhay ng matagal.



Balikan

Sa nakaraang aralin, napag-aralan mo kung papaano masusunod ang mga pamamaraan at pag-iingat sa paggawa ng abonong organiko. Sa pagpapatuloy, maaaring sagutin ang mga sumusunod na pagsasanay.

Panuto: Kung naalala mo pa ang dating aralin, subukan mong sagutin ang mga sumusunod na tanong. Isulat ang titik **T** sa iyong kuwaderno kung ang pamantayan ay tama at **M** naman kung ang pamantayan ay mali.

- _____ 1. Gumamit ng kahit na anong kasangkapan sa paggawa ng abonong organiko.
- _____ 2. Gumamit ng guwantes, mask, bota, plastic na pampatong sa damit at kasuotang may mahabang manggas habang nagtatanim o naglilinis sa lugar.
- _____ 3. Hindi na kailangan maghugas ng kamay pagkatapos gumawa ng abonong organiko.
- _____ 4. Itago ang mga kasangkapan sa permanenteng lugar upang hindi ito madaanan at maging sanhi ng aksidente.
- _____ 5. Gumamit ng sombrero o anumang pantakip sa ulo lalo na kung matindi ang sikat ng araw.



Tuklasin

Ayon sa naunang bahagi ng modyul na ito, ipinakilala ang takdang aralin hinggil sa pagsasagawa ag masistemang pangangalaga ng tanim na mga gulay.

Bago magpatuloy sa aralin tungkol sa masistemang paghahalaman, maaaring sagutin muna ang sumusunod na pagsasanay.

Panuto: Sagutin ang bawat bilang at piliin ang tamang sagot sa loob ng kahon. Gawin ito sa iyong kuwaderno.

abonong organiko	<i>hand watering</i>	palang tinidor
<i>side dressing method</i>	dulos o <i>hand trowel</i>	tabo
peste	<i>basal application method</i>	
<i>broadcasting method</i>	<i>foliar application method</i>	

1. Ito ay mainam na paraan ng pagdidilig sa maliit na taniman subalit sa malawak na taniman naman, iminumungkahi ang paggamit ng *hose* dahil nakokontrol nito ang daloy ng tubig galing sa gripo.
2. Mainam gamitin ang mga ito para palambutin ang lupang nakapaligid upang makahinga ang mga ugat ng halaman.
3. Ginagamit ang kagamitang ito upang pinuhin ang mga malalaking tipak na lupa sa halamanan.
4. Paraan ng paglalagay ng abonong organiko sa pamamagitan ng paghahalo ng pataba sa lupa bago itanim ang halaman.
5. Ang mga ito ay nananatili at namumugad sa mga halaman tuwing nagdidilig sa hapon.
6. Ang paraang ito ng pag-aabono ay ginagawa sa pamamagitan ng pagdidilig o pag-iispray ng organikong abono sa mga dahon ng halaman.
7. Ito ay ang paglalagay ng abonong organiko sa lupa na hindi gaanong malapit sa ugat ng halaman sa pamamagitan ng kamay o isang kagamitang nakalaan para dito.
8. Ito ay paraan ng paglalagay ng abono na ikinakalat ang pataba sa ibabaw ng lupa at hindi na hahaluin. Kadalasan ito'y ginagawa sa isang maliit na taniman.
9. Ito ay uri ng abono na ligtas sa kalikasan at walang masamang epekto sa kalusugan ng tao.

10. Ginagamit ito sa pagdidilig ng halaman sa pamamagitan ng dahan-dahan na pagbuhos ng tubig sa tanim. Iwasan ang biglang pagbuhos dahil natatapon ang lupa na siyang sinisipsipan ng mga ugat.



Suriin

Ayon sa karanasan ng mga nagtatanim ng gulay, mahalaga ang kaalaman tungkol sa maingat at masistemang pag-aalaga ng mga tanim. Ang mga tanim ay parang bata na kailangang paliguan, pakainin, ayusan at bigyan ng mga bitamina upang maging malusog.

Ang paghahalamang gulay ay malaking tulong sa hanapbuhay ng bawat mamamayan at nakapagbibigay ito ng masustansiyang pagkaing maihahain sa mesa. Nararapat lamang na bigyang-pansin ang wasto at tamang pamamaraan ng pag-aalaga nito upang magkaroon ng masaganang ani.

Maraming paraan ang maaaring gawin sa pag-aalaga ng mga tanim ngunit ang kadalasang ginagawa ay ang pagdidilig, pagbubungkal palagi ng lupa at paglalagay ng abonong organiko. Wala ng hihigit pa sa mga gawaing ito.

Narito ang ilang mahalagang bagay na dapat mong malaman tungkol sa paghahalaman.

Masistemang paraan sa pagdidilig ng mga pananim:

1. Diligan ang mga tanim sa umaga. Ang pagdidilig sa hapon ay hindi iminimungkahi dahil ito ang magiging dahilan ng pagkakaroon ng peste. Ang tubig na nanatili sa dahon ay puwedeng dahilan ng pamumugad ng peste.
2. Gumamit ng tabo at dahan-dahang ibuhos ang tubig sa tanim. Huwag biglain dahil natatapon ang lupa na siyang sinisipsipan ng mga ugat.
3. Ang *hand watering* ay mainam sa maliit na taniman samantalang sa malawak na taniman naman, ang pagamit ng hose ay iminumungkahi dahil nakokontrol nito ang daloy ng tubig galing sa gripo.
4. Matapos madiligan ang gulay, maghintay ng 15 to 20 minuto bago diligan muli dahil ang unang pagdilig ay natutuyo kaagad.

Masistemang paraan sa pagbubungkal ng lupa.

1. Gamit ang *bolo*, *farmer's claw* o *hand trowel*, palambutin ang lupang nakapaligid sa halaman upang makahinga ang mga ugat. Siguraduhing hindi matamaan ang mga ugat na magiging sanhi ng kanilang pagkamatay. Gawing mababaw lamang ang pagbubungkal lalo na sa mga halamang pino ang ugat at malambot ang tangkay. Ang mahahabang ugat ay nagpapatibay sa halaman laban sa malakas na hampas ng hangin.
2. Panatilihin ang pagtanggal ng mga damo sa paligid ng halaman upang hindi nito maagaw ang pataba at tubig na idinidilig sa halaman. Maaring gamitin

ang kamay o wastong kagamitan sa pag-aalis ng damo. Maging maingat sa paggawa nito upang hindi masira ang halaman.

3. Pinu-pinuhin ang mga malalaking tipak na lupa sa pamamagitan ng paggamit ng bolo o palang tinidor.
4. Ayon sa may mga karanasan, ugaliing kausapin ang mga halaman bagama't wala pa itong basehan sa agham.

Masistemang paraan sa paglalagay ng abonong organiko.

1. **Broadcasting method** - ikinakalat ang pataba sa ibabaw ng lupa at hindi na hahaluin. Kadalasan, ito'y ginagawa sa isang maliit na taniman.
2. **Side-dressing method** - ang abonong organiko ay inilalagay sa lupa na hindi gaanong malapit sa ugat ng halaman sa pamamagitan ng kamay o isang kagamitang nakalaan para rito.
3. **Foliar application method** - ito ay ginagawa sa pamamagitan ng pagdidilig o pag-iispray ng organikong abono sa mga dahon ng halaman. Halimbawa ang pagdidilig ng dinurog na sili, sibuyas at luya na inihalo sa tubig.
4. **Basal Application method** - paglalagay ng abonong organiko sa pamamagitan ng paghahalo ng pataba sa lupa bago itanim ang halaman.

Maliban sa mga masistemang pamamaraang nabanggit sa pag-aalaga ng mga tanim, narito ang karagdagang kaalaman na dapat ding isaalang-alang para sa iyong kaligtasan.

1. Gumamit ng mga kasangkapang nasa maayos na kondisyon.
2. Tiyaking angkop ang kasangkapan sa gawaing paggagamitan.
3. Gumamit ng guwantes, *mask*, bota, *plastic* na pampatong sa damit at kasuotang may mahabang manggas habang nagtatanim o naglilinis sa lugar.
4. Gumamit ng sombrero o anumang pantakip sa ulo lalo na kung matindi ang sikat ng araw.
5. Iwasan ang pagkakamot o kaya'y pagkukusot ng mga mata habang nagbubungkal ng lupa o naglalagay ng abonong organiko.
6. Maging maingat sa pagtapak sa lupang basa upang di madulas.
7. Sa pagbubuhat ng mabigat, tiyaking balanse ang hinahawakan.
8. Maglaan ng maayos na lalagyan sa matatalim na kasangkapan.
9. Itago ang mga kasangkapan sa maayos at permamenteng lugar upang hindi ito matatapakan.
10. Pagkatapos ng paggawa, maghugas ng kamay at maligo.



Pagyamanin

Panuto: Suriin ang iba't ibang paraan ng pag-aalaga ng halaman. Sagutin ng **Tama** kung ito ay nagpapahayag ng wastong pamamaraan at **Mali** naman kung hindi. Gawin ito sa iyong kuwaderno.

- _____ 1. Ang paggamit ng oraganikong abono sa paghahalaman ay malaking tulong upang mapalago ang mga ito at makapagbigay ng maraming ani.
- _____ 2. Mahalagang isaalang-alang ang pagbubungkal ng tamang taniman dahil ito ay nakatutulong upang palambutin ang lupa at makahinga ang mga ugat ng halaman.
- _____ 3. Ang *Basal Application Method* ay ginagawa sa pamamagitan ng pagdidilig o pag-iispray ng organikong abono sa mga dahon ng halaman.
- _____ 4. Pinu-pinuhin ang mga malalaking tipak ng lupa sa pamamagitan ng paggamit ng bolo at piko.
- _____ 5. Ang paggamit ng *hand watering* ay hindi mainam sa pagdidilig ng mga maliliit na taniman.
- _____ 6. Ang *Side-dressing method* ay ang paglalagay ng abono sa lupa na hindi gaanong malapit sa ugat ng halaman sa pamamagitan ng kamay o isang kagamitang nakalaan para rito.
- _____ 7. Panatilihin ang pagtatanggal ng mga damo sa paligid ng halaman upang hindi nito maagaw ang pataba at tubig na idinidilig sa halaman.
- _____ 8. Ang pagdidilig sa umaga ay hindi iminimungkahi dahil ito ay nagiging dahilan ng pagkakaroon ng peste. Ang tubig na nanatili sa dahon ay puwedeng dahilan ng pamumugad ng peste.
- _____ 9. Matapos madiligan ang gulay, maghintay ng 45 to 50 minuto bago diligan muli dahil ang unang pagdilig ay natutuyo kaagad.
- _____ 10. Ang *Broadcasting method* ay ang paglalagay ng abono sa pamamagitan ng pagkakalat ng pataba sa ibabaw ng lupa at hindi na hahaluin. Kadalasan ito'y ginagawa sa isang maliit na taniman.



Isaisip

Tandaang mabuti:

Upang magkakaroon ng magandang ani, isaalang-alang ang masistemang pangangalaga ng tanim na gulay.

- Kailangang alagaan ang lupang taniman upang ang mga gulay ay maging mataba at makapagbibigay ng masaganang ani.
- Sundin lamang ang mga pamaraan, ang masistemang pagdidilig, pagbubungkal at paglalagay ng abonong organiko.
- Huwag mahiyang magtanong sa mga eksperto hinggil sa pag-aalaga ng gulay at ang lupang taniman nito.
- Gawin ito sa ligtas na pamamaraan.

Para palawakin ang iyong kaalaman tungkol sa aralin, subukang sagutin ang mga sumusunod na pagsasanay.

Panuto: Isulat sa iyong kuwaderno ang mga impormasyong hinihingi tungkol sa tama at masistemang paraan ng pagtatanim ng mga gulay.

Masistemang paraan sa pagdidilig ng mga pananim	Masistemang paraan sa pagbubungkal ng lupa	Masistemang paglalagay ng abonong organiko
1.	1.	1.
2.	2.	2.
3.	3.	3.
4.	4.	4.



Isagawa

Sa gabay ng iyong mga magulang, kapatid o kahit na sinong nakatatanda, gawin ang mga sumusunod batay sa iyong natutunan sa araling ito:

- Masistemang paraan sa pagdidilig ng mga pananim.
- Masistemang paraan sa pagbubungkal ng lupa.
- Masistemang paraan sa paglalagay ng abonong organiko.

Panuto: Lagyan ng tsek (✓) base sa iyong pagsasagawa sa pamaraan ng pag-aalaga ng mga pananim. Gawin ito sa iyong kuwaderno.

RUBRIK SA PAGSASAGAWA			
Pamamaaan sa Pag-aalaga ng Pananim	Maayos na naisagawa nang may buong pag-iingat (5)	Naisagawa nang may kaunting pag-iingat (3)	Naisagawa subalit nangangailangan ng pagsasanay (1)
1. Pagdidilig ng mga pananim.			
2. Pagbubungkal ng lupa.			
3. Paglalagay ng abonong organiko.			



Tayahin

Paano mo maipapakita ang iyong kaalaman?

Panuto: Basahin nang mabuti ang sumusunod na mga katanungan. Piliin ang titik ng tamang sagot at isulat ito sa iyong kuwaderno.

1. Pinakamabisang panahon sa pagdidilig ng halaman.
 - A. Sa umaga
 - B. Sa Tanghali
 - C. Sa umaga at hapon
 - D. Kahit anong oras

2. Ito ay isang paraan sa paglalagay ng abono na ikinakalat sa ibabaw ng lupa at hindi na hahaluin. Kadalasan, ito'y ginagawa sa isang maliit na taniman.
 - A. *Broadcasting method*
 - B. *Foliar application method*
 - C. *Basal application method*
 - D. *Side-dressing method*

3. Ito ay isang paraan ng pag-aabonong organiko na inilalagay sa lupa malapit sa ugat ng halaman sa pamamagitan ng kamay o isang kagamitang nakalaan para dito
 - A. *Side-dressing method*
 - B. *Foliar application method*
 - C. *Broadcasting method*
 - D. *Side-dressing method*

4. Ito ay ginagawa sa pamamagitan ng pagdidilig o pag-iispray ng abonong organiko sa mga dahon ng halaman
 - A. *Side-dressing method*
 - B. *Foliar application method*
 - C. *Broadcasting method*
 - D. *Side-dressing method*

5. Ito ay mga masistemang paraan sa pagbubungkal ng lupa maliban sa isa:
 - A. Gamit ang *bolo, farmer's claw o hand trowel*, palambutin ang lupang nakapaligid sa halaman upang makahinga ang mga ugat.
 - B. Panatilihin ang pagtanggap ng mga damo sa paligid ng halaman upang hindi nito maagaw ang pataba at tubig na idinidilig sa halaman.
 - C. Pinu-pinuhin ang mga malalaking tipak na lupa sa pamamagitan ng paggamit ng bolo o palang tinidor.
 - D. Pinakamabisang gamitin ang regadera pagdidilig ng halaman.



Karagdagang Gawain

Magpasama sa iyong kapatid o magulang at magtanong sa may mga taniman ng gulay hinggil sa kanilang mga nakasanayang gawin sa pag-aalaga ng halamang gulay. Isulat ang iyong sagot sa kuwaderno.



Susi sa Pagwawasto

ISAGAWA:

1. **Broadcasting method** - ay ikakalat ang pataba sa ibabaw ng lupa at hindi na hahalin. Kadalasan ito'y ginagawa sa isang maliit na taniman.
2. **Side-dressing method**-ang abonong organiko ay ilalagay sa lupa na hindi gaanong malapit sa ugat ng halaman sa pamamagitan ng kamay o isang kagamitanang nakalaan para dito.
3. **Foliar application method** - ito ay ginagawa sa pamamagitan ng pagdidilig o pag-*ispray* ng organikong abono sa mga dahon ng halaman. Halimbawa ang pagdidilig ng dinurog sa sili, sibuyas at luya na hinahalo sa tubig.
4. **Basal Application method** - paglalagay ng abonong organiko sa pamamagitan ng paghahalo ng pataba sa lupa bago itanim ang halaman.

Masistemang paglalagay ng abonong organiko:

1. Gamit ang *bolo*, *farmer's claw* o *hand trowel* palambutin ang lupang nakapaligid sa halaman upang makahinga ang mga ugat. Siguraduhing hindi matamaan ang mga ugat na magiging sanhi ng kanilang pagkamatay. Gawing mababaw lamang ang pagbubungkal lalo na sa mga halamang pino ang ugat at malambot ang tangkay. Ang mahahabang ugat ay nagpapatibay sa halaman laban sa malakas na hampas ng hangin.
2. Panatilihin ang pagtanggap ng mga damo sa paligid ng halaman upang hindi nito maagaw ang pataba at tubig na idindilig sa halaman. Maaring gamitin ang kamay o wastong kagamitan sa pag-aalis ng damo. Maging mainat sa paggawa nito upang hindi masira ang halaman.
3. Pinu-pinuhin ang mga malalaking tipak na lupa sa pamamagitan ng paggamit ng bolo o palang tinidor.
4. Ayon sa may mga karanasan, ugaling kausapin ang mga halaman. Bagamat wala pa itong basehan sa agham.

Masistemang paraan sa pagbubungkal ng lupa.

1. Diligan ang mga tanim sa umaga. Ang pagdidilig sa hapon ay hindi iminumungkahi dahil ito ay magiging dahilan ng pagkakaroon ng peste. Ang tubig na nanatili sa dahon ay puwedeng dahilan ng pamumugad ng peste.
2. Gumamit ng tabo at dahang-dahang ibuhos ang tubig sa tanim. Huwag biglaing dahil natatapon ang lupa na siyang sinisipsipang mga ugat.
3. Ang *hand watering* ay mainam sa maliit na taniman. Sa malalaking taniman, ang paggamit ng hose ay iminumungkahi dahil nakokontrol nito ang daloy ng tubig galing sa gripo.
4. Matapos madilig ang gulay, maghintay ng 15 to 20 minuto bago diligan muli dahil ang unang pagdilig ay natutuyo kaagad.

Mga masistemang paraan sa pagdidilig ng mga pananim:

ISASIP:

1. c.
2. a.
3. a.
4. b.
5. d.

TAYAHIN:

1. M
2. T
3. M
4. T
5. T

BALIKAN:

1. TAMA
2. MALI
3. TAMA
4. MALI
5. TAMA

6. MALI
7. MALI
8. TAMA
9. MALI
10. TAMA

PAGYAMANIN:

1. Hand watering
2. Dulos (*Hand trowel*)
3. Palang tinidor
4. *Basal Application Method*
5. Peste

6. *Foliar Application Method*
7. *Side-dressing Method*
8. *Broadcasting Method*
9. Abonong organiko
10. Tabo

TUKLASIN:

SUBUKIN:

Sanggunian

Curriculum Guide in Edukasyong Pantahanan at Pangkabuhayan 5, EPP5AG-0c-5

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph